



## KEMENTERIAN PERTANIAN DAN INDUSTRI MAKANAN

*Ministry of Agriculture and Food Industries*

Wisma Tani

No 28, Persiaran Perdana, Presint 4

Pusat Pentadbiran Kerajaan Persekutuan

62624 PUTRAJAYA,

MALAYSIA

No. Telefon : 03-8000 8000

No. Faks : 03-8888 6020

Laman Web : [www.mafi.gov.my](http://www.mafi.gov.my)

## SIARAN MEDIA

### PENYALURAN BANTUAN KHAS RM60 JUTA KEPADА PESAWAH DI SELURUH NEGARA

1. Pada 31 Disember 2022, Menteri Pertanian dan Keterjaminan Makanan (MAFS), YB Tuan Haji Mohamad Sabu telah mengumumkan bahawa bantuan khas daripada Padiberas Nasional Berhad (BERNAS) yang berjumlah RM10 juta bagi tahun 2022 akan disalurkan secara berperingkat kepada pesawah berjumlah RM250 bagi setiap orang pesawah.
2. Rentetan daripada pengumuman tersebut, Kementerian ini telah menerima pelbagai maklum balas dan pertanyaan media. Oleh itu, Kementerian ini ingin menjelaskan bahawa penyaluran peruntukan khas ini adalah dilaksanakan secara berperingkat kepada tiga (3) buah negeri di Pantai Timur terlebih dahulu iaitu Kelantan, Terengganu dan Pahang melibatkan seramai 20,598 orang pesawah.
3. Manakala, para pesawah daripada negeri-negeri lain di seluruh negara akan menerima bantuan khas ini apabila baki berjumlah RM50 juta disalurkan bermula awal tahun 2023.
4. Dianggarkan seramai 240,000 orang pesawah di seluruh negara akan menerima manfaat daripada sumbangan BERNAS yang secara keseluruhan berjumlah RM60 juta. Bantuan ini merupakan insentif khas kerajaan kepada pesawah oleh BERNAS dalam membantu meringankan kos sara hidup para pesawah selain manfaat sedia ada yang disediakan oleh Kerajaan dalam bentuk subsidi (*input* dan *output*).
5. Pada masa ini, Lembaga Pertubuhan Peladang (LPP) selaku agensi pembayar sedang mengenal pasti dan menyemak senarai pesawah yang layak berdasarkan Prosedur Tetap Operasi (SOP) yang ditetapkan bagi memastikan proses penyaluran bantuan khas ini berjalan lancar.
6. Kementerian ini sentiasa peka dan prihatin dengan kebajikan golongan petani, penternak dan nelayan selain turut menyediakan pelbagai bentuk bantuan dan inisiatif kepada golongan sasar MAFS.

**KEMENTERIAN PERTANIAN DAN KETERJAMINAN MAKANAN**

**3 JANUARI 2023**